

欽定戶部漕運全書

欽定戶部漕運全書卷九十一目錄

海運事宜

沿海會哨

淀津督收

倉場轉運

沿海會哨

一運米商船經由大海應令水師營汛嚴密稽察
兵乘船樹幟攜帶槍礮吹螺傳送夜間懸挂桅
燈支更瞭望梭織巡查俾資防範所有江省分
派沿海護送各員經江督奏准由上海至吳淞
口係屬內河令守備帶領兵船護送由吳淞至
十墩係屬內洋令叅將接送自十墩至柰山以
北之外洋令狼右營遊擊接送自大洋稍至黃
家港對出之大洋令遊擊帶同掘港營把總接

送自黃家港至射陽湖對出之大洋令鹽城營
遊擊接送自射陽湖至黃河口對出之大洋令
廟灣營遊擊接送自黃河口至灌河口對出之
大洋令佃湖營都司接送自灌河口至鷹遊門
對出之大洋令東海營都司接送至山東日照
縣界交替均酌帶兵船逐層防護其柰山迤南
如陳錢馬蹟等山雖係浙江交界實爲江省門
戶又內洋之練所深洶及施翹河大澍十澍等
處均關緊要另派蘇松中營遊擊暨都司守備

等往來查緝以重巡防

一商船裝米出洋各自駛行並無幫次非如糧艘有運弁照料惟泊船寄碇仍須彈壓江督奏准初運米船較多先兌各船遴委叅將督押赴津裝兌完竣另派都司押送石島交替

一商船出吳淞江口越過東省交界之鷹遊門直走東大洋卽交山東水師所管南汛洋界大洋中千餘里並無山島可泊直至卽墨縣之嶗山文登縣之北槎山始見島嶼如無風便暫須

收泊則在日照縣之夾倉口膠州之古鎮口均可寄碇膠州之唐島卽墨縣之青島海陽縣之棉花島乳山口等處皆可停泊再至文登縣之馬頭嘴卽入東泓洋界經由文登縣之蘇山島靖海衛榮成縣之龍口崖養魚池均可寄碇至榮成縣之石島裏島卽可收泊轉過成山頭向西駛卽入北泓洋界經由文登縣之劉公島寧海州之崆峒島文登縣之威海衛寧海州之養馬島福山縣之之罘島八角口黃縣之黃河營

屺嶼島蓬萊縣之廟島掖縣之小石島皆可收
泊卽達直隸鹽山縣大沽河出境查東省洋面
共一百零五島漕運經行惟此二十五處島嶼
最爲海道要地其間居民叢雜竊小易藏較洋
面巡防尤屬緊要計水師洋面膠州南汛管轄
一千六百八十里成山東汛管轄三百九十里
登州北汛管轄一千七百七十里內除赴關東
洋面三百三十里外實在洋面運道三千五百
一十里經東撫奏准責成水師營員督率弁兵

於糧船入境之先將島嶼險要處詳細搜查迎
護糧船入境小心護送如有情誤卽行叅奏
東撫奏准巡海章程六款

一東省戰船巡哨向係三月出洋九月回哨此
次防護漕船所有南北東三汛戰船春融後卽
配兵出巡不必拘定三月九月之限

一東省洋面南自鷹遊門入境北至直隸鹽山
縣大沽河出境所有三汛戰船應梭織巡查遞
相護送漕船由吳淞出口繞出大洋避沙雖距

鷹遊門較遠然該處係入東海防要地令南汛戰船巡至鷹遊門交界洋面以昭周密

一巡哨船隻分派備弁等官應立統巡分巡名目並按所管汛地作爲專汛兼轄以專責成巡哨弁兵如果始終勤奮分別獎敘儻有停泊怠惰嚴叅究懲

一漕船經行海道可以寄碇收泊之島恐有宵小雜處妄生覬覦應令登州鎮於漕運將到之時擇其最要各島另於陸路各營就近酌撥干

把員弁帶領兵丁分駐要隘嚴密稽查如有匪徒立拏懲辦仍禁弁兵滋擾良民

一沿海漁船定例於造船時查取保結印烙字號給與執照開明年貌籍貫十船編爲一甲出洋時汛口驗照挂號放行此次接護漕糧稽查益宜周密所有各島漁船出入海口嚴飭沿海州縣遵飭漁船一律編號取結給照查驗出入如有疎懈徇縱得規情弊查出嚴叅

一沿海州縣地方遼闊向來設立礮臺墩臺相

距二三十里至六七十里不等僅撥三五兵丁
不足以資接應飭令各該州縣於礮臺墩臺相
距較遠之處設立卡房一二座酌撥壯役五名
營兵三名往來巡哨與礮臺墩臺汛兵聲息相
通較爲得力并令兗州鎮屬之武定安東二營
酌派官兵於沿海口岸陸路一體稽查防範
一天津海口有硬沙二處一名曹妃灘一名黃
壩蓋商船乘風駕駛必須認識遠避方免疎虞
經江督咨准轉咨直督檄飭地方文武汛官查

明凡有沙礁之處多插標竿日則樹旗夜則懸燈以憑辨認

一天津各關口向有挂驗小費商船不無畏累此次裝糧沙船經過不許強索分文仍於官給執照內註明一應關津渡口驗照放行嚴禁詭索陋規

一內河外洋各水師營另選弁兵雇船防護爲時數月經費不貲江南沿海各營共計添派弁兵六百名每名日給銀四分以百日計每名應

支銀四兩六百名共支銀二千四百兩在於海
運經費內由總局支發按營分派爲護送漕糧
弁兵飯食之需

一江浙海運洋面宜防所有山東登州府屬榮
成縣之石島爲全洋扼要由登萊青道督率該
縣文武彈壓此外文登縣之威海福山縣之煙
臺蓬萊縣之廟島榮成縣之俚島等處亦由東
省遴委幹練州縣佐貳等官分駐巡防並飭沿
海州縣團練壯勇分扼口岸以杜內匪偷越登

州鎮親往督防添雇堅大商船備帶軍火器械

隨時督飭將備於交界處所會哨迎護

咸豐三年

一咸豐六年欽奉

上諭崇恩奏海運漕船被劫等語本年海運南米有金
天來漕船一隻行至山東石島洋面被匪船劫去銀
物擄去舵工一名雖漕米並未損失惟該管水師將
弁未能先事防範實屬疏忽著查明專巡分巡各該
將弁嚴行叅辦以示懲儆並督飭水師鎮將嚴緝盜
匪務獲懲辦仍令實力巡查防護漕船毋得再有疏

解欽此

一江浙二省糧米海運商船准令各帶礮械入口呈繳出口給領江省洋面責成沿海水師鎮將統帶備弁兵船沿途護送並由商董選備輪船會同巡護其山東直隸等省洋面應由該省各督撫提鎮督飭水師各接所轄洋面實力逐段迎護加意防範並開具專任分任各職名送部備查如有偷安疏懈情事卽將該員弁嚴行叅辦督率不力之鎮將一併查叅其江北糧米

海運沙船准帶礮械輪船護送水師巡防亦經

兩江總督奏請議准照辦

淀津督收

一運米沙船進口由大沽水師營叅將呈報直督咨明軍機處奏請

欽派大臣前赴天津驗收監兌其沙船將次到津時由東撫直督沿途委員探訪飛咨戶部以便先期辦理俾免商船守候

一漕糧在津斛收派坐糧廳一員選擇誠實經紀五六十名豫令多帶斛隻口袋來津俟沙船到日聽候驗米大臣驗明米色開斛兌收其裝

金匱要略卷之二十一
載撥船起岸露囤截卸北倉轉運通倉責成該
經紀一手經理以杜諉卸並免既收復交之繁
嗣因撥船數用徑行轉運抵通毋庸露
囤截卸茲就原議章程所及并存備查倉場豫
爲添置木斛一百隻口袋五萬條以備天津起
米之用

一官撥民船應按裝運米數覈發撥價並須於
駛抵水次時逐船查驗編號排幫安頓天津縣
有應辦地方事宜未能久駐河干應照楊村起
撥章程在龍王廟設立總局遴委丞倅二員帶

伏誥部曹通公諱欽之

一天津東關外上園地方河面寬闊沙船靠岸
停泊挨次交兌其兌竣空船卽令折回另擇寬
處停泊隨漕回帆以後重船挨順前進以次交
兌不得搶先壓後其受兌撥船分定幫數在龍
王廟至上園一帶與沙船對岸排列兌竣一幫
卽押赴龍王廟以上停候開行空船挨順前進
受兌魚貫蟬聯不使擁擠亦不令間斷並按段
派撥兵役往來稽查催儻

一進口沙船總令趁潮挽入兌次豎立界竿俾

沙船儘力提前不致脫幫遠住一面排次對單
米數奇零另分撥船湊載每日沙船行抵上園
水次卽令江南委員排具次數清河天津兩道
配給撥船坐糧廳覈准兌單飛速集夫發斛飭
員分船驗米目擊起兌卽令沙船水手自行斛
攙經紀胥役人等無從弊混惟沙船挂撥高下
不同隨用席片束筒襯板靠幫斛注勢甚順溜
嚴督斛手加緊從事每日可起米八九百斛至
一千斛以外載米三四百石之沙船半日內卽

可卸竣裝米一千六七百石之沙船兩日餘亦可起空每日無論抵次沙船多寡分員督飭到卽收兌

一沙船起撥時由驗米大臣派委所帶司員會同直隸江南倉場委員公同查驗除乾潔之米照例收受及實係黴變之米准以應給耗米抵賠外若海船靠幫挨底或受蒸潮尙不致於黴變難以一概挑換應記明數目分別挑晾加謹收貯由在津驗米各員分別乾潔潮潤數目另

行書立冊檔二分一存驗米各員一送坐糧廳
並由驗米委員給予該船米色數目船戶姓名
印票到壩時坐糧廳查檔對票以憑收受其乾
潔米石如受潮潤及潮潤米石如再黴變或另
有偷漏攙和等弊以致米色米數不符嚴究懲
治並令經紀船戶分別賠補

一向來商船攬載客貨偶有遭風鬆艙等事卸
載後驗明大桅已斫實係遭風免其賠補儻大
桅未斫貨物黴變短少卽責令賠補此次沙船

運漕到津如驗有斫桅鬆艙及傷斃人口情事
查照漕船失風之例奏明免賠照例優卹若無
故短少徵變卽令於備帶餘米內如數補足再
有不敷勒令買補

一商船入口經驗米大臣查驗米樣後該經紀
等只須帶領斛手到船起卸其個兒錢飯米折
色及津貼等項均係官爲經理儻該經紀等有
藉端刁難勒捐需索情事或被喊控或經查出
卽立時鎖拏交地方官嚴加問擬

一天津口內多係鹽城曠土向來沙船到口均在該處挖泥壓鈔海運船數衆多恐有土棍藉端訛詐由直督飭令天津縣出示諭禁凡沙船卸米後任其挖掘壓鈔如有前項情弊該船戶稟知蘇省委員知會地方官查拏究辦至應用鐵鍬土筐等物每船酌給制錢一千文令其自爲置備由蘇籌款發給

一道光六年奉

旨海運現已陸續到津沙船餘米不下十萬餘石前

經降旨照南糧餘米例聽天津民人照市價收買
茲據英和奏沙船宜令速歸趕運二次米石恐該
商等希圖賤價售買觀望不前請由部動用銀二
十萬兩官爲收買著順天府卽派委委員赴部領
銀分起解往天津暫存道庫並著穆彰阿等於正
米收竣後卽傳諭江南委員如有船戶願賣餘米
聽該處民人照市價收買儻該處不能銷售卽動
項照市價官爲收買其價銀由江南委員轉發船
戶毋得假手吏胥致啟勒捐短發諸弊俾沙船得

以早歸毋誤二次接運欽此嗣據驗米大臣等奏
准沙船所得餘米除南來食用及留備歸次口
糧外約可售賣七成天津市價白糧平斛每石
制錢三千八九百文至四千有零不等粳米平
斛每石制錢二千四百文至六七百文不等
酌中定價白糧每石給市平紋銀三兩二錢漕
米每石給市平紋銀二兩二錢均以平斛收受
卽於起卸之時由江南委員按船將收買七成
米數單報坐糧廳轉飭經紀隨同正米一手斛

收起運逐日將收買米數移知江南委員按數發價不得假手吏胥其有沙船願與民人交易者仍聽其便至撥船運腳及津通一切經費均照海運章程辦理統於事竣後按照收買起運米數分別報銷

一海船初運交卸後不令前赴奉天買豆固可卽日放空回南但販豆爲關東生計所資亦爲船商常年本業且海船利於壓重難於駛放空船未便阻其往販應由奉天府尹飭令地方官

曉諭沿海商賈舖戶將應發各海口豆石先期
運至水次一俟運漕海船到口驗明來照立即
裝兌給予回照剋期開行并令山海關監督毋
許稅書丁役藉端留難經過各省海口飛咨一
體催行趕辦二次兌運

一沙船卸竣米石尙須前往奉天買豆回南趕
接二運該船所帶貨物恐關口留難耽滯由驗
米大臣按船分給免稅印單飭關查驗速放并
駐明販豆後仍行納稅亦不得稍有延擱起空

沙船卽令退出將貨物餘米自行售買迅速起程

一道光五年分蘇松常鎮太漕糧雇用沙船兩次由海運至天津陸續進口挽抵水次自三月初七日起截至八月初八日止計共抵水次沙船一千五百五十七隻共起過米一百五十萬六千七百一十八石六斗零自三月十九日起共收買沙船餘米六萬五千七石五斗隨同正漕一併運通計用價庫平紋銀十四萬三千七

百七十三兩八錢九分隨時給發餘贖銀兩暫存天津道庫候部撥用又收買經紀耗米除白糧耗米奏明毋庸收買外起運軍糧耗米共一萬六千七百一十二石二升有零飭令隨船運通候經紀正項漕米逾額掣欠計有成數由倉場衙門覈明抵補計價咨部再行給發此次海運米石始終乾潔統計正耗米一百五十萬餘石並未露囤截卸均係隨時撥兌全數運通

一江南奏報案內除撥給沙船耗米不計外起

運漕白正米及節省耗米共一百五十一萬七
百七石有零前後共用沙船一千五百六十二
隻經驗米大臣查明天津到次沙船一千五百
五十七隻兌收漕白及收買米共一百五十七
萬一千七百二十六石有零除蔣朱順等四船
斫桅鬆船例應豁免米二百三十八石六斗五
升外計已收有盈餘此外尙有未經到次船五
隻據江南山東奏明在洋失風事故趙聯盛等
四船共米二千八百五十石又據江南委員稟

稱黃遇泰一船裝米九百石在洋遇風微有碰
傷米石無損現尙駐島修艙前項米石均在正
額之外仍飭天津道查明黃遇泰船如經進口
立即挽抵水次斛兌運通交收

一江南山東奏明在洋失風事故船四隻查明
趙聯盛蔣恒泰徐福泰等三船已將撈起不堪
運貯米石估變報撥其無著船一隻檢查江蘇
清冊係初運之船船戶錢元森裝載丹徒縣漕
糧正耗米四百餘石至黃遇泰沙船裝載漕糧

九百石續於八月二十六日到津經天津道查驗米色乾潔挑選堅固官撥船四隻督同坐糧廳派撥經紀兌竣委員押運赴通

一蘇省海運漕糧天津通倉兩處均有應用經費先由蘇省籌解銀十二萬餘兩續行酌撥節省漕項銀七萬兩同部撥隨漕腳費銀三萬兩一併委員解津嗣據蘇藩司咨請復於節省漕項內動撥銀五萬兩解津濟用經江督蘇撫奏准統俟全漕完竣按照前後解過銀數查明在

通倉支用者由倉場衙門覈銷在天津支用者由直隸省覈銷

一接撥海運漕糧需用經費內有沙船進口絳夫僱價及守候口糧住宿棚廠一款撥船添用蓋席一款兌米添用蓆筒一款據直督查與例價不符奏請確切查覈經驗米大臣議覆以上三款均係臨時籌辦原定章程未經議及惟蓆片爲漕務歲需斷難例外多銷絳夫僱價須按程途里數覈給口糧尤應扣減蓆筒須按接卸

船數覈計均不得格外多增嚴飭該道等照例
刪減按款釐定據實報銷

一江省海運漕糧一百五十萬七千六百餘石
由直隸備船自津運通應需撥船水腳飯米經
江省先後解到銀十二萬兩其接撥一切經雜
各費經江省解到銀九萬四百二十八兩零又
因收買沙船餘米奏准部庫撥銀二十萬兩均
存貯天津道庫陸續分別支用自二月撥運起
至八月中旬止所有支用撥船水腳飯米按照

奏定章程實用銀十一萬七千四百二十二兩
零江省係動支漕項銀兩本屬報部之欸造冊
咨部覈銷餘銀二千五百七十餘兩聽候戶部
撥用其收買餘米撥價係部庫之欸亦應咨部
覈銷至僱給沙船繹夫苫蓋撥船席片過載溜
米席筒民船守候口糧押運員弁兵役薪水飯
食凡原議章程所未及臨時必須應用一切雜
費撙節支用共銀七萬三千三百餘兩在江省
解到另項銀九萬四百二十八兩內動給此項

銀兩係江省另籌協貼並非報部之款應開列
細數移咨江省歸入沙船水腳等項彙案覈辦
並將餘銀一萬七千一百餘兩一併移送江省
以清款項而免牽混

一道光六年奉

上諭穆彰阿等奏海運沙船到齊米石全數起卸並
請將在事尤爲出力各員分別獎勵各一摺本年
試行海運係協辦大學士尙書英和首先陳奏詳
查定議及沙船受兌開行風帆順利現已全數抵

津迅速竣事英和著加恩賞用紫韁仍著交部議敘以爲實心辦事者勸尙書署漕運總督穆彰阿前經朕派赴天津會同倉場侍郎商議督辦調度得宜穆彰阿著賞加二級百春著賞加一級坐糧廳琦琛汪鑑督催收兌辦理妥速俱著交部從優議敘戶部候補主事成山吉明胡美彥張寅隨同穆彰阿查辦一切不辭勞瘁著遇有該部應補主事缺出儘先補用直隸總督那彥成督率藩司屠之申酌議章程豫爲經理妥善那彥成屠之申俱

著交部議敘清河道陶樑天津道鄭祖琛駐津總辦措置精詳天津鎮總兵克什德往來海口催儼稽察俱爲出力克什德著賞戴花翎鄭祖琛著加按察使銜陶樑著加鹽運使銜其直隸知府以下各員及營委將弁著那彥成照冊開等第分別奏請獎勵江南辦運委員鄒錫淳等及押運武員著琦善等各按勞績分別奏請鼓勵其首先領僱招徠之商埠人等著陶澍就近查明奏請恩施該部知道欽此

一道光六年欽奉

上諭那彥成奏覈實保奏海運出力人員一摺前因
海運全數抵津諭令該督照穆彰阿冊開等第分
別奏請獎勵茲據開單具奏除保定府經歷方廷
瑚等四員由該督等記名陞補外天津府知府周
壽齡河間府同知濮城俱著交部議敘務關廳同
知周衡著以知府陞用先換頂帶署天津縣知縣
蔣兆璠署天津府同知涿州知州包棻署邢臺縣
知縣沈蓮生俱著以同知直隸州陞用蔣兆璠並

著先換頂帶雄縣縣丞楊夔生天津縣縣丞張欽
祖武清縣縣丞葉渠靜海縣獨流巡檢畢林俱著
以河工應陞之缺陞用候選縣丞李宣範河工候
補縣丞查維垣蔣珊河工候補從九品王步瀛俱
著遇缺卽補候補縣丞張應垣張大治候補從九
品吳松姜德昨范兆文俱著交部從優議敘坐補
東安縣主簿李朋煊著免其坐補本班儘先補用
天津鎮水師營叅將李沁德現因本缺應裁著卽
撤回江南儘先補用天津鎮中軍遊擊趙隴田署

天津鎮城守營都司左營守備哈振鰲俱著以應
陞之缺陞用署左營守備候補守備之雲騎尉姜
世莖著儘先補用又另片奏從九品職銜書吏錢
成張第元又書吏俞浩俱著以從九品歸部儘先
選用該部知道欽此

一道光二十八年欽奉

上諭李星沅等奏海運有未到船隻請先行收買餘米
交兌等語海運沙船進口八百餘隻其未到各船當
亦接踵而至惟現在南糧將次到津自未便因守候

海運尾數致令撥船擁擠所有海運未到米石該督等擬令查明籌買補額交兌著委員等照數辦齊顆粒無虧卽責成朱鳳標德誠如數驗收奏報以重倉儲而免守候餘著照所擬辦理欽此

一駐津驗米大臣載齡奏准江蘇省太倉州漕米二千石內供解米四百八十石間有黑丁經蘇局將收買沙船餘米照數撥補好米運通此項黑丁米石作爲餘米運倉歸入薰備項下存

倉留抵該省缺斛

同治四年

一駐津驗米大臣單懋謙奏准江蘇省搭運籌
備米七千八十五石零除先行驗收抵正運通
足額外尙有運過白糯米二十九石應同續
到尾船併在後各船米石統行劃歸籌備原款

存倉

同治五年

倉場轉運

一蘇省漕糧分春夏兩次運津商船抵次自應迅速起撥趕早回南再行裝運向來漕糧抵壩每日起米以三萬石爲率海運船衆米多同時齊集若照舊例起御未免稽遲應令多備撥船增夫添斛酌量加起剋期兌收完竣

一沙船到津旣經驗米大臣在水次驗明米色到通卽可無庸覆驗其江南交米委員一俟天津兌給撥船卽已交卸竣事無須再至通倉惟

撥船盤量折耗及向給飯米未便短少查有例
應給丁耗米十八萬餘石業經奏請撥給商船
十二萬餘石尙有節省耗米六萬餘石除此次
搭運節省耗米內亦應劃給商船耗米外實存
米五萬九千六百餘石隨正起運赴津所有天
津撥船盤耗飯米等項卽於此項節省耗米內
酌量撥給

一派往天津經紀人等飯食雜費及盤量身工
各款除將旗下到通應領銀米等款撥抵外由

蘇另籌津貼按照起運米數每石給銀四分措
解銀六萬餘兩交倉場衙門分別發給其天津
雇撥不敷等項除由直隸奏明動撥尙有例不
准銷各款再措解銀六萬餘兩解交天津道庫
俾資協貼

一直隸額設官撥船二千五百隻除分給故城
景州古淺處所二百隻畱給楊村八百隻餘船
一千五百隻豫集天津備用仍照歷年撥運奉
米等項雇用民船數目分飭沿河州縣雇覓堪

裝漕糧二百五十石民船五百隻連官撥船共
成二千隻分別裝運如首次海運抵津已屆東
豫軍船回空之後統歸天津備撥海運漕糧

一向來北倉截卸漕糧官撥運通每百石除扣
油艙外由運丁給價並飯米折銀七兩零九分
五釐五毫又將經紀每百石應得津貼銀二兩
五錢幫貼官撥一半銀一兩二錢五分計官撥
船每百石得銀八兩三錢四分五釐五毫如用
豫東回空軍船代運將應給經紀津貼銀二兩

五錢全數幫貼並令運丁每石分出食米一升計豫東軍船代運每百石得銀九兩五錢九分五釐五毫食米一石此次兌撥海運漕糧係在天津東關外上園地方較北倉增水程四十二里其雇價等項自須一體議增計北倉至通州水程二百八十四里現增水程四十二里按寸成攤算應酌增一成半覈計官撥船每百石應增水腳銀一兩二錢五分一釐八毫連北倉至通例雇等項共銀九兩五錢九分七釐三毫所

雇民撥卽照豫東軍船代運價值給發再將所
增水程加給一成半銀一兩四錢三分九釐三
毫食米一斗五升連北倉至遲例雇等項每百
石共銀十一兩零三分四釐八毫食米一石一
斗五升照部價折銀一兩六錢一分共需雇價
並飯米折價銀十二兩六錢四分四釐八毫此
項撥價銀兩由蘇省籌解倉場衙門轉發均按
所載平斛米數折算洪斛覈給其油艚一項除
民撥不給外官撥船隻仍照北倉轉運之例每

百石扣繳銀一兩二錢四分四釐漕竣覈明銀數在漕贈等項銀內提解天津道庫歸款

一官撥船每年二月開河以後至四月爲止例准攬載營生海運漕糧到津遲早難定應令在津守候議給口糧以資接濟豫雇民船亦應給與守候之價官撥民船均以到津之日起至受載漕糧之前一日止以每船船戶一名舵工水手四名每名日給銀五分計算每船日需銀二錢五分其二次海運到津不論各船守候與否

不准再行支給又海船收入天津海口應雇緯夫拉挽自海口至上園河程一百八十里照日行五十里撥計應分四日行走每船緯夫五名每名日給制錢八十文出口係屬下水毋庸加緯所有應需各項銀兩由蘇省各州縣水腳項下籌撥解直備用事竣覈銷

一通倉經紀除畱壩收漕外分派赴津不過五六十名應添人夫斗斛盡力多起每撥米五十萬石分作十起轉運撥船一百六十隻爲一起

兌足後卽由經紀自撥親信安人分起押運開
行每起仍派委文職武弁各一員隨帶兵役督
同船頭彈壓照料一俟運抵通壩聽經紀所派
之人自行交倉押運各員役卽稟知倉場衙門
馳回接押尾後各起仍飭沿途文武營汛員弁
稽查催儻勿任撥船無故逗畱亦不許船戶將
米石顆粒上岸以杜偷盜攬和滋弊至漕米落
艚起岸折耗在所不免如船戶並無弊混經紀
人役不得藉詞勒指設有偷盜情事立卽稟知

押運員弁拏交州縣究辦

一各州縣經管撥船歲給油艚銀五兩三年小修一次例給修費銀二十兩漕竣後逐一挑驗除船身堅固者仍照例分別油艚小修外其有損壞較甚之船覈實估計加修所需修費於道庫節存油艚項下動撥仍派委妥員逐一確查務期一律堅固如有滲漏之船將承辦之員嚴行叅處

一經紀由海船起卸兌撥每撥運一次責令該

經紀本身或自雇親信之人隨同押運官沿途照料如有偷漏攙和情事應令經紀船戶按數分賠並各治以應得之罪至石壩起卸之後由裏河轉運大通橋均係經紀料理如有短少潮溼米石惟經紀是問不得牽涉外河撥船以杜諉卸

一海運漕糧大通橋車輛不敷運送應於城外四倉及號房暫囤再行分運各倉勻貯囤費於通濟庫支撥事竣覈實報銷並令步軍統領衙

門派委員弁嚴密稽查毋令車戶人役乘機滋弊

一撥船受兌寫立承攬甘結開明米數若干將船戶腳價飯米折色並津貼等銀共計應得若干於受兌後發給七成其餘三成包封彙交押運員弁領帶俟到壩後查驗並無偷漏攬和潮溼等弊再行給發一有前項各弊卽將包封三成銀兩扣抵賠補米石及挑晾之費仍按律懲處再有不敷卽責令船頭賠補仍飭押運員弁

沿途稽查秉公分別給發扣抵儻毫無覺察或將腳價任意剋扣一併叅處

一向來北倉截卸漕糧所有抗腳挖筭等項向由幫丁自行辦理此次海運漕糧挽進海口或對船起卸或暫行露囤或先貯北倉所有盤兌上岸由岸上船一切抗腳挖筭等費旗丁雖未北來而所給經紀個兒錢飯米折色津貼等銀仍係照舊支給並議加給銀兩耗米原爲俾資辦公前項各費卽在經紀所得項下自行酌給

毋庸另議籌款

一海運漕糧由津起卸轉運所有撥船腳價飯米等項已議照北倉之例按程增添其經紀應得之項除個兒錢並津貼銀毋庸議增外至飯米折色每百石向給銀二兩二錢五分應照腳價十成攤算酌增一成半覈計加給銀三錢三分七釐五毫共銀二兩五錢八分七釐五毫並個兒錢銀二兩七錢合計每百石共銀五兩二錢八分七釐五毫又北倉截卸漕糧每米一石

旗丁給經紀耗米一升此次海運漕糧每石應

酌添耗米五合以洪斛覈計於海運所帶作正

耗米內扣除

此項加給銀米因天津截卸較北倉稍遠是以議增嗣後北倉截卸

仍照舊辦理不得援此爲例

又茶果銀兩交廳者係以船數

計算每船十兩交倉者係以米數計算每石五

釐一毫七絲二忽五微海船裝運來津石數自

可照舊計算而軍船未來船數無從計算廳茶

果一項應照每年江南軍船裝運適中之數以

洪斛五百石爲一船以米一萬石作船二十隻

覈算共應交廳倉茶果銀二百五十一兩七錢二分五釐所有旗丁應領賞羨餘米價紙劄等銀抵撥廳倉茶果及應給經紀個兒錢銀飯米折色並分給船戶經紀津貼等項不敷銀兩於天津運道兩庫墊發由蘇解還歸款

一白糧米質鮮嫩應仍照向例用麻袋交海船裝運到津起卸專用民船裝載責令押運官帶同白糧經紀並兵役人等照料運通經紀自行運倉交納到壩改用斛收以期迅速其白糧折

耗較重每石准給耗米一升八合

一撥船食米沿途准其炊食如改給折色恐船戶得價吝於買食仍在船竊取炊爨所有官撥船戶食米每百石給米一石一斗五升原議照價折銀奏准改給本色

一撥船裝載海運漕糧到壩坐糧廳隨到隨驗迅速起卸進倉並飭押運撥船委員晝夜督催不許片刻停泊抵通收竣仍押空回津以期輪

轉速運

一通倉收受白糧書役人夫飯食工價向係按
船交飯銀十八兩一錢六分此次糧歸海運前
項銀兩並無弁丁帶交又白糧各幫向無應領
簞羨餘米價等銀應交茶果銀兩無項可抵經
倉場奏准均照洪斛五百石爲一船飯銀工價
先由通濟庫墊發與應交茶果銀兩一併飭令
蘇省如數解通歸款

一五開水腳抗價自道光四五兩年係照三釐
舊額支領本年已屆限滿應行裁減三毫惟因

海運及盤壩漕糧並銅鉛奉豆等項一時雲集
兼有轉運北倉滯漕豫東粟麥各項又催令軍
船回空加價添夫趕辦若遽行裁減三毫役力
未免竭蹶經倉場奏准自本年起再展二年照
三釐舊額支給俾紓役力至道光八年仍應裁
減辦理

道光
六年

一南糧各幫間有稽延以致米多期迫趕運掣
肘將各倉及路途較遠之本裕豐益二倉未運
米石暫行寄囤太平倉三十萬石另庫存儲探

明道路易行即速趕運收倉並將趕運及各倉
收受日期專案報部查覈

道光二十
四年

一軍白糧經紀減漕年分領項既多扣款照常
向來津貼早經停止經紀賠累難堪而歷屆長
支之款分年勻扣業已繳清無欠經倉場侍郎
查明通庫存儲足敷支發奏經部議准令軍白
糧經紀於通濟庫借支銀四萬兩卽在該經紀
腳價內分作八年由坐糧廳坐扣還款嗣後不

得率行援案借支

道光二
十四年

一道光二十八年欽奉

上諭戶部奏請將潮涇米石之弊船戶各犯嚴究加等治罪等語米石潮涇用藥使水其弊不可勝言以民間終歲勤苦錙銖積累徒供此輩侵漁致使乾潔漕糧化爲腐朽實堪痛恨前經倉場侍郎查出潮涇米船業將該船戶代役等分起咨送刑部著該部卽嚴行審究加等治罪此後如有潮涇米石之船並著卽行送部一律懲辦以絕弊端而慎倉儲欽此

一咸豐二年欽奉

上諭戶部奏海運撥船通壩驗收遲滯一摺定例漕糧抵通坐糧廳驗收起卸每日應起米三萬石茲據奏稱本年海運撥船通壩驗收每日僅一萬餘石或二萬餘石以致撥船停泊待驗積壓致二十餘里之遙該坐糧廳並未遵照例限如數斛收致令航海沙船不得及早回空辦理殊未妥協著交部議處仍著倉場侍郎嚴飭該廳員等隨到隨驗以速補遲儻仍復遷延或縱容經紀人等故意刁難爲需索地步卽著據實嚴叅其大通橋各官亦飭一體遵照迅速轉運

並將因何每日不足三萬石之處查明具奏至石壩州判有督催轉運之責著順天府府尹嚴飭該州判於坐糧廳驗收後迅催轉運毋任再有稽延欽此

一漕糧向由朝陽門上號裝車嗣因城河缺水經倉場侍郎奏到橋漕糧須由大通橋下號裝車運送計增陸運四里有餘請將車腳銀兩除四釐辦公仍舊扣發外所有運進京倉及本裕倉腳價每石按照三分九分舊例以實銀放給暫免折扣經戶部覆准查厯屆每石車價進本

裕倉實給銀六分零九毫京倉實給銀二分零三毫今按三分九分實銀發給計進京倉每石加銀九釐有零進本裕倉每石加銀二分九釐有零尙未浮於原定之數惟自橋至倉路途較遠責成倉場侍郎嚴飭大通橋監督及巡役兵弁認真巡緝儻有狼瀝遺失等弊除將車戶嚴懲罰賠外卽將該監督員弁等嚴行叅處一俟城河積水足資浮送卽仍用撥船轉運其車戶應扣銀兩亦卽仍舊折扣並令到橋漕糧先儘

京倉派進俟改用發船後再行派進本裕倉兌

致多廉運費

同治六年

一普濟等四閘及大通橋水腳抗價向例抗米

一石給銀三釐嗣經裁減三毫按二釐七毫累

給經倉場以役力拮据援照嘉慶道光年間暫

復成案先後奏准每石仍照舊例以三釐放給

自同治十一年起暫復四年四年之後仍按二

釐七毫放給

同治十一年十二年

欽定戶部漕運全書卷九十二目錄

海運事宜

籌辦海運

籌辦海運

一道光二十七年欽奉

上諭前據李星沅等奏籌議江蘇額漕河海並運當交軍機大臣會同該部議奏茲據查議會奏所有二十八年蘇州松江太倉二府一州漕白糧米准其改由海運其漕糧米石務令兌交一色乾潔粳米不准稍有攙雜白糧一項亦宜普律乾潔著該督撫等嚴飭所屬按則徵收認真盤驗毋得稍滋流弊至海運尤宜實力巡防妥籌保護並著該督撫詳考成案參酌

時宜務籌妥善其照舊河運等屬仍著實力催徵以肅漕政等因欽此

一道光二十七年欽奉

上諭前據軍機大臣會同戶部議令將江蘇蘇松太三屬漕糧暫由海運曾經降旨准行旋據楊殿邦奏河海並運事宜請俟本年辦理無誤明年再行籌議並片陳近日洋面情形當交大學士軍機大臣會同戶部速議具奏茲據該大學士等詳覈妥議所有蘇州松江太倉三屬二十七年應徵漕糧著仍於二十八

年暫由海運至海洋巡哨宜加周密減船丁舵宜加體恤現據李星沅等條議章程總宜愼益加愼務臻妥善幫丁爲漕務官員所轄著責成該漕督嚴飭所屬妥爲約束所稱沙船到津易滋流弊一節著直隸總督嚴飭地方該管文武實力防查毋得稍存大意明年河運較少抵通較早該漕督宜於暇豫之時妥籌減費裕漕良策以期全漕足額仍歸河運舊章其嗣後如何輪減俟本年辦理如果試行無誤卽著該漕督於海運蒞事後會同兩江總督江蘇巡撫妥議

具奏至紳戶大戶包攬抗欠胥役地保包庇侵蝕刁
衿豪棍把持挾制諸弊著兩江總督江蘇巡撫悉心
釐剔有犯必懲其海運應用款目著戶部詳慎勾稽
毋令稍有浮費以昭覈實又據德誠等奏熟籌收受
海運漕糧事宜豫行杜絕諸弊章程一摺所稱撥船
宜擇堅厚向由直隸州縣承辦率以損壞船隻充數
再米中用藥使水宜嚴爲防拏又請添設巡員自津
至通晝夜巡查均著直隸總督按照所奏各條委員
查驗嚴密查拏並派委幹練巡員梭織巡察又稱米

色必須純潔前經議定海運章程著該督撫嚴飭承辦各員實力遵辦餘俱照所擬辦理該部知道欽此

一直隸省接撥海運漕白糧米應由天津通永二道督率沿河務關同知楊村通判漕運通判會同委員逐程實力催趲並照會天津通永二鎮所撥官兵分駐河干認真巡查如經撥人等查有串通偷漏用藥硬水等弊該委員弁丁務卽不分畛域嚴密查拏毋僅以按段接催了事

一海運漕白糧米天津斛收卽照道光六年海

運抵通以洪斛交納仍折算漕斛報銷飭屬自
備漕斛用上海縣庫存鐵斛較準由監兌委員
驗明印烙加貼印花帶津並將部頒鐵斛同天
津鐵斗倉場木斛呈請驗米大臣較驗

一白糧與漕糧不同由津撥運赴通須加慎重
白糧應查照河運章程全數雇用民撥

一海運各船樣米原爲收兌時考較之資向備
木桶盛儲米色受罨轉致無從查驗應仿照白
糧辦法以麻袋裝儲粘貼印花交沙船自行帶

津由委員呈送驗米大臣查對

一丹徒丹陽二縣河運項下緩缺交倉米六千九百餘石查有蘇松太三屬白糧項下節省給丁盤耗米二千六百餘石尙缺米四千三百餘石卽在隨漕腳價餘賸款內購買足數兌裝沙船隨同蘇松太三屬糧米由海運送所需水腳悉在節省項下開銷

以上道光二十八年

一江蘇省咸豐元年分緩缺漕米三十九萬餘石二年分緩缺漕米四十萬餘石由漕白項下

應徵熟田節省給丁秬米變價並酌提節省給
丁津貼湊抵緩缺漕糧均以銀款提解司庫聽
候部撥計元年籌銀六十六萬兩二年籌銀六
十萬兩除籌補缺額外各抵有贏餘其沙船秬
米仍由州縣措給本色至歉緩漕南米石仍俟
按限催徵完時搭運四年分因逆氛未靖議令
改照浙江章程以河運經費作爲海運支銷所
有應徵熟田漕白正秬米就數起運毋庸籌補
五年分章程循辦至節省給丁餘秬等米除支

銷津通各項耗米及抵補緩缺兵糧外餘賸米
四萬三千餘石一併起運六年分章程此項餘
賸節省給丁耗米除支銷外均請飭屬糶變作
爲籌補欠缺南米之用免其隨正交倉咸豐七
年分起至十年分止同治二年分起至十三年
分止歷年循辦

一江蘇省歷年辦理海運事繁任重設立省局
令藩司總理或派委首府總司其事並派委守
丞牧令等官查覈章程鈎稽銀米由蘇松太道

督同守丞等官在上海設立滬局雇覓沙船飭令各委員料理兌米事宜仍由藩司總理查驗米色係糧道專責由糧道於各州縣開倉時親履查驗一次復於上海裝船時會同蘇松太道再行盤驗均須乾圓潔淨白糧尤宜慎重不准稍有秬米攙雜潮潤等弊天津交米最爲喫重派委糧道酌帶委員先期赴津交兌會同直隸委員妥辦如起運米數無多公事較簡毋庸設立省局由委員經理天津交米亦毋庸派委糧

道赴津叩委同知等官酌帶紳董前往經理

一江浙兩省應給沙船水腳等項銀兩務宜嚴
加防範毋任假手書吏少有需索剋扣

一天津撥價漕糧用官撥洪斛每石價銀九分
五釐九毫七絲三忽白糧用民撥洪斛每石價
銀一錢一分三毫四絲八忽向係按照時價易

錢給發第以銀易錢出入未免參差應令按米
發銀先期將撥價銀數及飯米並守候口糧張
貼告示俾撥船戶共見共聞屆期發交局員親

給其銀數不及一兩另行易錢找給毋假吏胥之手如有向船戶需索錢文者准其扭稟沿途兵役及通壩胥吏人等有向船戶藉端勒指並許喊控如此覈實辦理撥船得項旣優儻再有偷盜攬和等弊除責令賠補外仍照例從嚴治罪毋稍寬貸

一通壩日起米數開報驗米大臣應由駐通倉場侍郎於五日奏報摺內聲明每日起米均符三萬石之數並將米色米數切實聲明以免日

後牽混並飭駐通坐糧廳將每日起米若干石
卸船若干隻按日開報驗米大臣以便查催而
免貽誤

一通壩口袋例定歲製十八萬條原足敷用而
起米遲延藉口於口袋不敷輪轉推求其弊則
有缺額積壓兩端缺額之弊由於經紀侵蝕偷
減積壓之弊由於橋倉阻滯故使周轉不及挾
制分肥自應各清各弊隨時懲辦如橋有積壓
當叅橋監督倉有積壓當叅倉監督橋倉均有

積壓橋倉並叅若均無積壓而每日起卸不及
三萬石之數是口袋缺額可知當叅坐糧廳應
令倉場轉飭坐糧廳務於辦理先漕事宜時認
真點驗不得稍有短少並嚴飭橋倉各監督迅
速轉運毋許車戶花戶人等故意留難如有前
項弊端立予究辦

一米色務須乾潔應由驗米大臣會同駐津倉
場坐糧廳南北各委員查驗明確如本有霉變
卽令沙船於耗米內賠補如係好米由坐糧廳

取具該經紀米色乾潔米數無虧切結督令斛
收此後均由經紀承運承交與沙船無涉如果
米色乾潔米數無虧而抵壩之時間有潮溼短
少入倉以後與原驗米樣不符此中情弊在於
撥船開行以後可知應令駐津坐糧廳將所取
經紀各甘結按日申報驗米大臣並令駐通坐
糧廳臨時切實查究如有偷漏攙和由經紀拏
獲則責令撥船獨賠治撥船應得之罪若經紀
並未查出稟明或通同作弊分肥則責令經紀

分賠各治以應得之罪此後由壩運橋由橋運
倉如有短少潮溼均惟經紀車戶是問不得牽
涉外河撥船及原裝沙船入倉以後如有灰黯
霉變則責令該倉賠補治花戶以應得之罪不
得牽涉經紀沙撥等船至橋倉各監督均係倉
場管轄人員應令迅速妥辦毋許胥役人等滋
生弊端任意諉卸

一浙省試行海運派雇沙船責成蘇省滬局委
員儻有米無船即將蘇省委員查明叅處若有

船而無米或有米而無水腳卽將浙省辦漕各

員揭參懲辦

以上咸豐二年

一咸豐二年欽奉

上諭黃宗漢奏浙江新漕試行海運請飭江蘇委員幫同辦理一摺來年浙漕海運係屬創始豫雇船隻最爲緊要除由該省自雇北運商船外其不敷船隻應由江蘇上海添雇著兩江總督江蘇巡撫派委委員幫同辦理所有江蘇浙江海運事宜並著該督等責成按察使倪良耀總司其事以資熟手總期不分畛

域安速籌辦毋稍延誤欽此

一咸豐二年欽奉

上諭黃宗漢奏籌議新漕懇請試行海運一摺本年浙
江漕船開兌過遲落後各幫遲至九月下旬甫經輓
運出境即使截撥回空斷難如期歸次受兌所有來
歲新漕亟應變通辦理以免貽誤著照所請改由海
運以期迅速並將原辦河運各費作為海運支銷一
切章程卽由該撫督飭司道覈實籌議妥速奏辦欽

此

一浙江海運船隻除甯波之蛋船三不像等船
由浙省自行封雇外其山東直隸船隻有運貨
赴江南銷售者應由該撫早派委員赴滬會同
蘇省委員不分畛域一律封雇以資裝運
咸豐三年
一同治二年欽奉

上諭李鴻章奏減成酌徵冬漕統共起運漕白正耗等
米十二萬二百餘石隨給沙船耗米九千八百三十
餘石飭令一律收齊仍議由海運津以資便捷等語
李鴻章於新復地方卽能酌量情形籌畫天庾正供

具見辦事認真深堪嘉尚又片奏松太等屬減價折
徵酌定每石收足制錢六千四百五十文一切公用
均在其內由官買米起運等語均著照所請妥速辦
理欽此

一同治七年欽奉

上諭羅惇衍等奏夾板船試運江蘇米石驗收辦理情
形一摺江蘇田捐採買米三萬石試用夾板船運津
經羅惇衍等前赴紫竹林查閱除將已到米石驗收
外尚有未到米四千五百三十石羅惇衍鍾岱現將

正供漕米驗完已有旨令其回京所有此項未到米石著俟續運到津後卽由崇厚就近驗收以歸簡易至沙船裝運正漕早已如數抵津而夾板船所運田捐採買米石轉未能一律到齊其中有無掣肘明年能否再行試辦抑仍廣招沙船裝運之處著曾國藩丁日昌體察情形詳細妥籌屆時奏請辦理欽此

一江北淮揚通一帶出產粳米極少從前河運均係紅白兼收粳秈並買現在改由海運仍當照辦遴派委員分投採購責令多辦粳米認真

挑選乾潔不准稍有潮雜以重倉儲

一江北漕米因沙船短少奏明俟蘇屬頭批回空再行裝運惟此項米船到津必須趕卸俾得迅速回南再裝方免遲誤應由驗米大臣於米船隨到隨驗隨卸催令迅速回滬

一米船交清應照戶部奏定章程責成經紀承管如有偷漏潮涇攙和等弊責令賠補究治不得牽涉原裝沙船以免羈候而杜諉卸

以上同治八年

一江浙二省承運漕糧沙衛等船經兩江總督

奏請因船商困苦將堪裝五百石以上之船所裝雜貨各項出口釐捐除原捐較輕毋庸議外其原捐較重者酌減二三成至裝五百石以下承運之船及閩廣船隻仍各照常收捐經戶部

覆議奏准

同治九年

一同治九年欽奉

上諭戶部奏變通驗收海運漕糧及海運仿照河運章程辦理各摺片南省漕糧由海運津歷年以來因津郡無地方大吏駐紮特派大員前往驗收茲據該部

奏稱通商大臣現已裁撤直隸總督常駐津郡請自
同治十年爲始凡天津驗米事宜均由直隸總督就
近經理無庸另派大員前往驗收至倉場侍郎應否
仍照向章一員赴津會同查驗並通州收米事宜可
否責成留通倉場侍郎一手經理無庸另派大員請
飭妥議等語著李鴻章英元喬松年按照該部所奏
各節會同妥議具奏其一切章程仍應悉照成案妥
辦至海運交卸一節該部擬請按照河運章程改由
糧道赴通徑交係爲掃除積弊起見著曾國藩李鴻

章英桂張兆棟張之萬楊昌濬斟酌情形詳細妥商
會同覈議具奏原摺片均著分別鈔給閱看欽此

一同治九年欽奉

上諭前因戶部奏變通驗收海運漕糧及海運仿照河
運章程辦理當經諭令李鴻章等分別會議具奏茲
據李鴻章會同倉場侍郎酌議具奏據稱直隸總督
每年於春融後移紮天津所有天津驗米自可遵照
部議就近經理毋庸另請派員驗收惟近年海運米
石較多總督事務繁重未能專顧一端請仍照向章

酌派倉場侍郎一員赴津會同查驗其通州收米事宜可由留通倉場侍郎經理毋庸另請派員等語明春江浙海運漕船抵津著戶部先期奏派倉場侍郎一員早日赴津會同直隸總督妥籌辦理其通州驗收轉運事宜卽由留通倉場侍郎一手經理毋庸另請派員以專責成餘著照所議辦理欽此

一同治十一年欽奉

上諭延煦畢道遠奏撥運白糧積欠弊生請事變通一摺據稱江浙白糧到津向雇堅大殷實民船撥運近

來弊竇叢生私立船捐名目公然賣放輒以窄小破
船塞責或冒充民船應募駕駛之人又多官撥船戶
作弊是其慣技本年竟有全船沈失船戶潛逃情事
莫若由江浙糧道一手經理等語著照所請辦理卽
著張樹聲恩錫楊昌濬飭知各該糧道來歲海運白
糧抵津卽自雇民船撥運赴通無庸在津候驗津貼
撥價等銀由各糧道自行支給其封雇時並著李鴻
章飭天津道嚴禁諸色人等從中阻撓有則立予重
懲不得稍分畛域抵壩後卽由倉場侍郎立時驗收

毋許經紀人等藉端刁難此外起運押運事宜及應用委員均由各該糧道隨宜辦理欽此

一同治十二年欽奉

上諭給事中陳鴻翊奏海運南糧請飭驗收大臣先期赴津守驗一摺近來江浙海運漕糧到津較前迅速自應及時趕驗俾資周轉而免積壓嗣後驗米大臣著於二月下旬前往天津守候驗收以重漕務欽此

一同治十二年欽奉

上諭李鴻章延煦畢道遠奏江浙漕糧海運抵津擬請

改令糧道自行運通一摺向來江浙漕糧海運到津
用官撥船運通交納乃行之既久滋生弊端本年海
運白糧及輪船所載漕糧改由糧道自雇民船運通
較用官撥船運送米色尙爲乾潔李鴻章等請將嗣
後南糧變通辦理係爲剔除弊端起見著照所議所
有來歲江浙漕糧卽著改由糧道運通交納毋庸在
津驗收並著戶部兩江總督江浙各巡撫一體欽遵
辦理其應行變通章程著李鴻章延煦畢道遠悉心
妥議具奏欽此

一直隸沿河各州縣官撥船一千八百隻一切
修艚提調等事向係天津道督率楊村通判管
理今南漕起撥雖改歸糧道自辦而此項撥船
非南省所能統年經理令於天津設立官撥總
局每屆漕前仍由天津道督飭楊村通判分別
查估認真修艚註明冊檔仍按百隻爲一起排
列水次該道查照江浙起運米數就現有船數
按成掣定省分由楊村通判移會總局繕冊分
交江浙局員收用儻各船修艚不堅或船戶不

遵南省調遣均歸直省局員究辦到通交米後
責成南省押運之員沿途防查毋任船戶拆賣
器具完漕之日南省將原收船數按冊點交直
局催歸水次

一南糧逕運赴通經理撥船稽查地方以及清
理河道導引沙船等事直隸仍須派員照料且
南省帶來委員如果差遣不敷亦須由直省候
補人員內揀調責成天津道總司其事凡南省
借調委員及直省派出在事各員統歸該道遴

選詳請督臣酌覈札派仍先開單咨明吏部事
竣由直督覈其勞績分別奏咨給獎毋庸再行
會同倉場侍郎辦理其通壩應需委員仍歸倉
場侍郎揀調並責成通永道稽查督催若南省
需員在壩差遣亦由通永道揀員移送仍隨時
報明倉場侍郎咨部存案漕竣之日統由倉場
侍郎覈其勞績分別奏保無庸再咨督臣彙案
請獎

一辦理逕運印委各員漕竣時覈其勞績如果

查有異常出力人員卽仿照咸豐初年成案由
直隸總督倉場侍郎分案覈實奏請優獎數員
以資激勸其餘仍照近年章程辦理

以上同治
十三年